

光緒二十三年丁酉 第廿冊

新濟醫院學堂報

委和紀 頁五至

利濟醫院開講  
之二十三年

全年二十四冊

館在浙江溫  
州府前大街

定價大銀圓四元

先行付資  
不准拆賣

丁酉利濟學堂報第十一冊目錄

文錄

心戰下

東甌陳 虬撰

鍼儒

樂清陳 明撰 院次濟

論學會宜普尊教宗首舉農務

樂清高炳麟撰 院次道

書錄

利濟元經

蟄廬診錄

算緯前編

中星圖畧

教經答問

報錄

時事鑑要

五則

洋務掇聞

廿四則

學部新錄

四則

目錄

農學瑣言

一則

藝事稗乘

五則

商務叢談

十則

近政備考

總理衙門

覆奏洋商改造土貨應籌抵制摺

經世文傳

湖廣總督

張致湘撫陳佑帥書

嗚呼人但知戰之戰而不知不戰之戰也宋襄言仁春秋嘉其守禮孫吳善陣亞聖服以上刑軍旅之事古蓋慎諸暴政以陰鷙慘刻之性逐羣鹿而踣之內愚其民外攘夷狄驅數十萬呱呱赤子之生暴骨長城之下以爲子孫萬世帝王之業也然旣及二世而亡矣漢魏繼之天下無百年不大亂輾轉至今日殄國喪家者踵相接蓋二千年於茲戰之爲禍烈也西國戰事如菲土巴山馬基頓王法皇拿破侖輩殺人輒百萬計嗚呼斯人之徒孰非吾與炭之呼耶養之吸耶血輪之周迴耶何尊何卑何爾何我何戚何疏何智何愚而乃以域別之以種離之以教圍之以形役之而白黑赤櫻之類乃至學問不相通語言不相同情性不相款禮秩等威不相假以爭以奪以鋤以犁以并兼以誅夷以弱肉強食金行應運得時者勝環瀛海而畢至趨西方以如歸彼殆貪夫天之功而

私爲已力哀哀黃族乃丁其際耽耽虎威逼人而視乃至欲瓜我之國席我之利券我之權臣妾我子女悲夫吾見西人殘人之類而亦以自殘其類也嗚呼神武不殺中國必有聖人戰死生天景教眞成謬種血氣之族猶識尊親眷念同仁能無下涕莊子曰剋覈太息必有不肖之心應之我亦何心而能忍此夫不戰所戰於戰之類者亡戰所不戰於戰之地者昌吾願與天下之善戰者礪其恥心淡其欲心牖其智心擴其公心而通其仁心太平之運由據亂以遞升孤陽不生戰羣疑而見血蓋心之爲用大矣一夫不澤孰納溝中愛物仁民環球同體夫戕千萬人之軀命而逞獨夫之志爭一家之天下而毒五大洲有識之生是必喪其心而善狂者也或曰由子之說將機器可不設製作可不精以生人之心廢殺人之具豈有恃而不忍耶得毋疑於迂遠不切事情歟曰人利之而我去之是倒其戈以授敵也心之綱也人淬之而我置之是

齎其糧以資盜也心之鄙也然且鑿其錮矣發其鄙矣我亦旣利  
之而淬之矣而乃以毒自隨以兵自屠坐使賊人之資日厚死人  
之謀日鷙虐人之機日熟殄人之器日良奇禍一發赤地千里斯  
非吾之所敢聞矣今者西方通人亦知戰之不可爲國矣弭兵之  
會來者何人萬國同風助予袍澤吾願復皇古之民心還宇宙於  
大同統瀛寰而一息無彼畛而此域黃耶白耶我何虞耶爾何詐  
耶赤耶黑耶樓耶孰非我之族類耶而忍於辱之僕之戮之鞭策  
之芟夷之而俾不得遂其生耶吾願公彼以顓法彼以誠噓彼以  
春而覺彼以靈飲其飲耶食其食耶衣冠其族耶吾尤願羣天下  
千五百兆之居者游者秀者頑者修者暴者莫不奉我正朔儻我  
皇仁棄干戈而習俎豆用以食我德服我疇循我所嚮用我規矩  
而同我太平嗚呼否與泰根剝爲復機極亂之後必有大治亦惟  
我心之善操之善縱之而善左右之若是者始可以言戰





鍼儒

樂清陳

明撰

院次清

吁嗟乎悲哉中國之近日大勢岌岌也興華之議大端有三保國也保教也保種也以言國則大地二萬萬里也幅幘之閔爲泰西諸邦所罕覩而越南翦於法伊犁割於俄香港緬甸吞於英琉球高麗臺灣噬於日國雖存而若亡矣以言教則我我素王發言立論至中大庸雖歷千萬禩而靡弊乃基督薪火騰輝於東方尼山木鐸輟響於彼土加以科舉一涂以時文桎梏天下士聖道益榛歲而不昭教雖有而若無矣以言種則含生負氣之倫四萬萬也而五色又以黃爲貴華人天質之懿心思之奇材力之雄非不逮歐美諸氓也而政教不修壓力太重良法莫師天道西行白蝕大張哀哀諸黃遂受其束縛摧拉剗割而不知種維續而若絕矣其他華工之逐使臣之拒口岸之開鉅款之償商務之箝制我命脈鐵路之覬覦我利權可無議矣太虛蒼蒼大地茫茫中原擾擾人

心皇皇箕穎高標我豈適從悲哉悲哉彼興亞翼華之任斯誠僑者之獨當哉

揚子曰通天地人曰儒嗚呼持此說以相天下士不但近世悠悠固無儒也即求之千百年以前恐亦寥寥若晨星也雖然吾嘗於子氏姬氏之朝春秋炎漢之世而各得一人焉空桑之野大發其祥異人降生殷業遂昌抗懷放華莘野徜徉三聘一至康時志償斯民饑溺勞我肺腸此伊尹之儒也岐峯插天渭川杳然中有帝臣高卧自賢精貺杙感熊夢兆焉獨夫肆虐元元顛連鷹揚牧野滌腥蕩羶名王一出感治情虔此呂尚之儒也五霸勲業孔門莫欽惟彼管氏獨予以仁射鈞怨解薰沐賞音葵邱一會列侯向心尊周攘夷偉烈震今此管仲之儒也炎德運衰寰宇劫灰曹氏狙詐漢棟將摧堂堂諸葛三顧而來和吳拒魏大勢始回出師二表慮蜀情哀此諸葛之儒也之諸人者此真所謂儒也若夫今日之

儒俗儒而已腐儒而已非吾之所謂儒也訓詁之儒則長於博古而短於通今密於徵文而疏於飾行伏案鑽首不出引伸假借之遺博考詳據悉屬草木蟲魚之末一字之瑣析爲數十之義一義之碎衍爲數百之言連篇累牘穿鑿支蔓短註長疏令人目瞽問其於六經之大義書外之微言則茫乎未有解矣義理之儒則昭於心性而闇於時務豐於道德而歉於事功高明之資則淪於釋老之學沈潛之彥則流於迂拘之習其託體甚高其爲用甚渺是但知孔教而不知孔學矣詞章之儒則利於綴文而鈍於經世富於空言而貧於實事援筆伸紙倣屈宋之文繪影鏤聲狀風雲之態淫辭綺語奚裨時艱空議虛論徒成言匪借載道之說爲文章之架子而人人咸成孔子孟矣發駭世之論爲聳聽之訣竅而人人咸非堯舜矣其上焉者則高談名理出入老莊其下焉者則徵逐財利伯仲市儈凡此之儒問其於古今治亂之故中外得失之由

則不能發一語矣以此而與英法俄德美日諸邦士之儒農之儒  
工之儒商之儒兵之儒醫生之儒律師之儒以迄一切瑣屑雜技  
之儒絮長較短是猶盲夫欲與離朱爭其目之明聾人欲與師曠  
爭其耳之聰拙匠欲與公輸爭其手之巧蹙者欲與章亥爭其足  
之捷也不其異哉不其耻哉

然而訓詁義理詞章之儒其無用聞於天下也久矣無俟我譏焉  
我之所譏者在有用之儒耳夫名者實之賓也言者心之聲也務  
其名而不求其實則爲無本之學僞其言而不符其心則爲欺人  
之談吾蓋見夫世之名儒矣其才非不懿也其學非不優也其識  
非不卓也其於古今治亂之故中外得失之由非不明也其於康  
時拯世之略興利除弊之方非不詳也其文章之剴切非不如賈  
誼之痛哭而流涕也其議論之透達非不如陳亮之駁利而爽快  
也然而不免於妬與僞者則何也夫妬僞之倫亦不乏於世界矣

論學會宜普尊教宗首舉農務

樂清高炳麟撰

院次道廿三

甲午小東之辱憂國政者曰自疆自彊畫疆策者曰興學興學建  
學議者曰立會立會老生變色於談虎時俊一鳴而如蝸夫風氣  
所開內自京師首善之區外而南北通商之岸大吏請帑金捐廉  
俸以延教習右族贖私財通祀產以培子弟不可僕數其間官紳  
協舉賢豪肇作如武昌之質學臨安之興浙會稽四明粵東申江  
長沙山西暨吾甌之各學堂學會或融中西爲一家或聚農工於  
一治或探原於元代微積或擇善於醫化體操而國會以京城  
師範爲最備壽考作人之規模也民會以桂林聖學爲最崇儒術  
起衰之體面也卅年招商之局曾不如一戰失利之機鄰敵窺  
疑我有造艾蓄之需瓜分之迫我抑何擇雖然中華千六百之州  
縣黃種四百兆之人衆戶部八千萬之歲供泰西數百兆之國  
債使熟比例而精格致者倍其腦筋徒其血輪百其原質齊其愛

心均其磁吸一其攝力斯無問天地重熱電氣聲光製造工程測繪兵商理法方言文字一切政教之學兼攻並錯指顧嶄新今卽不遽望其能然且夫學者獨到之詣會者必赴之程學而不到猶不學會而不赴猶無會然而到不到學爲政赴不赴匪會爲政也西國新學不啻日夥靡不出於教會而七日禮拜安息則微特學而不到者莫之違卽其老病瞽聾殘廢不名於學者亦莫之外是通國之男女貴賤先有無會之會而後爲之學會學可分會不可解今中國郡邑之學宮春秋釋奠一至餘日無過問者矣城鄉之書院朔望課文一集名流多絕迹者矣科舉之士或開文社風雅之班問修禊事今卽悉仍舊地改新學循星期講習討論口角睚眦保無星散而且中士結習厥志虛憍厥心外騫厥情獨利厥尙私營有一於此志士望望去之不甯唯是庶議豁禁邪慝乘機段學爲名結會煽惑履霜厥陰是宜先正名義每會立素王爲教宗

普行禮拜有二善卽去二弊肅瞻聖位高其志趣非僻不萌自無  
妄舉善去弊者一同人嚴恭辭洽氣融隱消忿爭蔑或傾軋善去  
弊者二抑又聞西士某之諷合肥李傅相曰李公久尙西學竟不  
一效者由不信西教故豈知西學淵源西教嘻此出教會之言其  
欲援儒入耶不待智者能灼其謬其主以教聯學則雖常人確知  
不謬蒙乃從而斷之曰西之有新學肇始教會實則非因彼教而  
善若中之爲西學亦當自尊教宗乃可師彼學而善也若夫緩急  
之需遲速之效難易之故廣狹之圖徧全之功仲以齊商霸諸侯  
鞅以秦農并六國鑒古之嘉謨也英以水利彊歐西美以土富王  
墨北衡今之至計也全亞百十二兆餘方里隸於中者什三今欲  
以商業馳驟而口岸未免不齊益之以農功經綸而腹地無慮弗  
及夫二十行省田賦之利有贏絀而無後先然如今之學堂官局  
布置止於京省滬上三五都會猶人全體尺寸之膚而民衆向隅

其良者曰後我其莠者曰棄予矣何況武備自疆水陸二師外僅講製造掛漏本務然使徧籌教育力豈能逮抑使各自爲會則大備之觀非常之懼大衆又恐卻立夫久道化成開國之圖而非新命之業故子言王者必世善人百年而三年期月用我之效乃易反掌何者其所措施有先後也今宜直省府州廳縣勸立農會所須貲費官爲倡始以伸繼之以民足之廣譯西書多購農器參攷中之古法古政地利之興可坐而致難者曰西農習書知數中則嘗誦讀者十無二三解乘除者萬不得一矣釋之曰奚足患哉近農務會倡於滬上主其事者大抵通人若按圖籍通飭做設以教號集士民上下不啻身臂臂指且通國農多於商地利近之及遠誠使比戶喁喁畧聞化植鄉居孜孜頓富倉廩裕商賈之源次第而及礦藝藉子會之衍聯絡而資守禦農戰商戰昔之贏秦今之英倫豈能獨步一時哉豈能獨步一時哉



缺盆

胸

膈

足厥陰  
上貫膈

手少陰  
下膈

足太陰  
上膈其  
支別上

手太陰  
上膈

足少陰  
從腎上  
貫肝膈

手厥陰  
下膈

手少陰  
之筋結  
於胸中

足太陰  
之筋直  
布胸脇  
中大絡

手太陰  
之筋下  
結胸裏

足少陰  
之支注  
胸中其  
別循胸

手厥陰  
起於胸  
入腋其  
筋散

手太陰  
出缺盆  
其正上  
出缺盆  
其筋

乳

腹

臍

脊背

足厥陰  
抵小腹

足厥陰  
標在背  
俞

手少陰  
之筋交  
太陰挾  
乳裏

手少陰  
之筋繫  
於臍

足太陰  
上入腹  
其筋循  
腹裏

足太陰  
之筋內  
著於脊  
其標在  
背俞

足太陰  
之筋結  
於臍

足少陰  
之筋挾  
乳裏

足少陰  
之筋下  
繫於臍

足少陰  
貫脊其  
筋支者  
挾脊標  
在背俞

膂

腋

脇

足厥陰  
布脇肋

手少陰  
下出腋  
下其正淵  
別入淵  
腋兩筋  
之間其  
筋上入  
腋

足太陰  
大絡出  
腋三寸

手太陰  
橫出腋  
下其正  
別入淵  
腋少陰  
之前其  
筋入腋  
下其標  
在腋

足少陰  
挾膂其  
筋循膂  
內

足少陰  
之筋上  
入腋

脾之大  
絡布胸  
脇其筋  
之真者

手太陰  
抵之  
季脇

足少陰  
之別入  
季脇之  
間

手厥陰  
下腋三  
寸其筋  
結腋下  
標在腋  
正別下  
腋下其  
寸其筋  
淵腋三  
寸其筋  
結腋下  
標在腋  
下三寸

手厥陰  
之支出  
脇其筋  
挾脇

手大	小腹	腰	肋	賁	
	足厥陰 抵小腹				
			足太陰 之筋結 於肋		結於脇
手太陰 出大指				手太陰 之筋散 貫賁	
		足少陰 之別貫 腰脊			

指

手食  
指

手中  
指

手小  
指

手少陰  
循小指  
內出其  
端其筋

之端其  
筋起於  
大指之  
上

手太陰  
直出次  
指內廉  
出其端

手厥陰  
循中指  
出其端  
其筋起  
於中指

手厥陰  
支者循  
小指次  
指出其

手掌

手腕

起於小指內側

手少陰抵掌後銳骨之端人掌內後廉

手少陰之別名通里去腕一寸半

手太陰之別直入掌中

手太陰從腕後其別名起列缺腕上分間

手厥陰入掌中其本在掌後兩筋之間

手心主之別名日內關去腕二寸出於兩筋間

社友許小岳傷寒兩感治驗 丙子孟冬

上舍黃叔頌令政驗案詳言產後服薑湯飲之害 丁丑仲冬

冬

許芳蓀直中厥陰證驗并明厥陰治法 丁丑仲冬

儒士賈楚玉尊政逆經結痲奇證驗案 戊寅孟夏

舅氏邱壽臯熱證治案因明酒客感病之理 戊寅孟夏

儒士林永馨吸煙致病診脈而知案驗 戊寅仲夏

儒士項條甫尊閩傷暑誤藥垂死奇驗因示用藥之法 戊寅季夏

寅季夏

友人蔣子渭尊政癩證治法 戊寅孟秋

董田陳銀浩飲證變法治愈案 戊寅孟冬

吳孝廉某誤服石膏停飲用藥剋制法

戊寅仲冬



蟄廬診錄卷一

東甌陳 虬志三著

社友許小岳傷寒兩感治驗 丙子孟冬

予友許小岳長而堅實肝氣素盛患傷寒不解發熱嘔渴繞臍冷痛脉弦而浮乃告之曰此太陽傷寒而傳厥陰肝木名曰巡經得度傳蓋傷寒有六傳也東垣有其名而未詳其法特詳釋之六經之在人身也猶阡陌然各有其界限而不能以遽越故首巨陽終厥陰以次而傳此其常也唯其人六經中有素病之經或因誤治而傷其經者則邪在巨陽卽入而與其經合病於是上下前後合邪矣然此皆指病之在經者言也故傷寒法六經中皆可用麻桂二湯者經病非藏病也如此病先因肝木過盛後感風寒故二經合病卽兩感也發熱者巨陽之表未解也

繞臍者肝所絡也冷痛者木盛則尅土土病則濕聚也嘔渴者風性善消故渴木過疏泄故嘔也擬用麻黃二錢先煎去上沫桂枝八分白芍二錢括婁根三錢炙草一錢細辛三分茯苓三錢白朮二錢生薑二錢蓋卽小青龍去半夏薑味也麻辛藉以散寒桂芍用以和肝括婁止渴薑草溫中加苓朮者補土利水取五苓散瘦人臍下有悸意也一劑而愈唯口吐涎沫不甚了投以內經半夏秫米湯如法煎服覆杯而已六傳者邪在太陽而渴謂邪自入本名曰傳本太陽傳陽明胃土名曰巡經傳太陽傳少陽膽木者名曰越經傳太陽傳少陰腎水者名曰表裏傳太陽傳太陰脾土者名曰誤下傳太陽傳厥陰肝木者名曰巡經得度傳東垣舊說也時子初習醫吾鄉醫者不知傷寒爲何物聞六傳之說咸共驚駭故彙誌於此小岳肝腎素足六

脈條長而和年未四十而有丈夫子六證之於脈良驗



磅西國一觔也 罌時之十六分磅 杜藍二百五十六分磅之一 瓜多西國二十八

亨杜利喊西國二百二十觔 礮西國二千二百四十觔

西國小衡表計西國小衡每磅當中國六觔又三十五分觔之六

磅與大衡磅不同數 罌士十二分磅 篇尼喊二百四十分磅之二 加欄五千七百六十分磅之一

西國銀數表計西國銀磅時價不定若中國洋銀然

磅 堅尼八分磅之七 收貨倫六分磅之五 刻郎二十四分磅之五

夫羅鄰一十二分磅之一 西零二十四分磅之一 偏士二百八十八分磅之一 法行一千一百五十二分磅之一

### 定位式說

凡學數之基必自定位始。數位之式有直行者，有橫行者，直行之數便於文理，橫行之數便於布算。數學之書，題目論說必用直行，入算布式必用橫行。要其大旨，均以單位為本。直行之數，單位以上逆而上，單位以下順而下。橫行之數，單位以上逆而

左單位以下順而右故有作 $\odot$ 於空位者或作 $\circ$ 於數目字外者或作、於數目字旁者皆以別此數之單位而存之其式有五曰整數列式曰零數列式曰整帶零列式曰空位列式曰諸等數列式整數之式隨題布寫橫直各便零數之式橫行者首須作 $\odot$ 以存單位直行可省整帶零之式整之單位爲空者須作 $\circ$ 以存之整之單位有某數者須作 $\circ$ 於某數目字外以別之而後接以零數空位之式兩數之間有隔空者須作 $\circ$ 以記之式之末位有未至單數者亦須作 $\circ$ 以補之諸等數之式有以十進者有不以十進者列位之時非皆以一位爲一名或隔兩位三位不等依次定序亦止連寫故於不以十進處作、於數目字旁以記之令見者知某數之旁有、者爲上數之單位次爲下數之首位此三者均爲橫行之式直行者亦不在此例

何則直行之式某十某百某寸某尺逐數疊加一一書明故可省◎或○或、之記號橫行之數任意連寫十百寸尺等字俱刪去故必作◎或○或、之記號以分別之五者之式須詳辨之入算時始不混亂今一一列之於左

定整數式

此書所用僅正字籌碼二式故定位亦止定正字籌碼二式便習此書 卅四條同

有題四千七百五十九入算時必改為橫行如下

正字式

九五七四

籌碼式

卅四

有算得式

正字式

九六三十一

籌碼式

卅四

論說時必改為直行如下

一千三百六十九

定零數式

式之首位為分僅二重圈

為釐重圈右復添一圖

為毫重圈右添一圖

白絲以上遞添

有題五分八釐九毫六絲入算時必改為橫行如下

正字式

六九八五


籌碼式

卅四






南河




南河三星主火近增星十黃赤道俱在未宮距西北星去極一百有二度三十七分入井宿十六度二十二分

北河




北河三星主水近增星四黃赤道俱在未宮距西星去極八十七度十五分入井宿十三度四十七分

### 鬼




### 柳



鬼宿四星。天目也。狀似開方木櫃式。主視明察奸。近增星十八。黃赤道俱在午宮。距西南星去極九十度四十八分。去井宿距星三十度二十七分。


柳宿八星。豆垂似柳。主酒食。隨味。又主雷雨。近增星十。黃赤道俱在午宮。距西星去極一百有二度二十六分。去鬼宿距星四度三十四分。

星




星宿七星在柳下狀如鈎主衣裳文繡近增星十五黃赤道俱在午宮距中星去極一百一十二度二十五分去柳宿距星十六度五十九分

軒轅




軒轅十七星在星星之北主雷雨之神近增星五十七黃赤道俱在巳午宮距西北星去極六十六度十八分入井宿三十度

# 張



張宿六星主天厨飲食賞賚之事近增星四黃赤道俱在巳午之宮距西北星去極一百六十六度五分去星宿距星八度二十六分

# 翼



翼宿二十二星極難認識上五下五中心六星似張式又六星難以詳指主道化文籍又主夷狄近增星七黃道在辰巳宮赤道在巳宮距中西第二星去極

百一十二度四十二分去張宿距星十八度三分

界河南東南界海順天府駐 京師統府十一直隸州六州  
十七縣一百二十三

**問**江蘇**答**江蘇古禹貢揚州之域今在 京師南二千二百二  
十七里東西距一千六百三十里南北距一千七百里北界  
山東西界河南西南界安徽東南界浙江東界海省會江甯  
府統府八廳三直隸州三州三縣六十二

**問**安徽**答**安徽古禹貢揚州之域今在 京師南二千七百里  
東西距 里南北距 里東南界

浙江西南界江西西界湖北東北界江蘇西北界河南省會  
安慶府統府八直隸州五州四縣五十一

**問**浙江**答**浙江古禹貢揚州之域今在 京師南三千三十里  
東西距八百八十里南北距一千二百八十里北界江蘇南

界福建西南界江西西北界安徽東界海省會杭州府統府  
十一直隸廳一廳二州一縣七十四

**問**江西**答**江西古禹貢揚州之域今在京師西南三千二百  
四十五里東西距九百七十里南北距一千八百里東南界  
福建西南界廣東東北界安徽浙江西北界湖北西界湖南  
省會南昌府統府十三直隸州一廳二州一縣七十五

**問**福建**答**福建古禹貢揚州之域今在京師南四千八百四  
十五里東西距九百五十里南北距九百八十里東北界浙  
江西北界江西西南界廣東南界海省會福州府統府十直  
隸州二廳四縣六十二

**問**湖北**答**湖北古禹貢荊州之域今在京師西南三千一百  
五十五里東西距二千四百四十里南北距六百八十里南

界湖南東南界江西東界安徽北界河南西北界陝西西南  
界四川省會武昌府統府十直隸州一州七縣六十

**問**湖南**答**湖南古禹貢荊州之域今在 京師西南三千五百  
八十五里東西距一千四百二十里南北距一千一百五十  
里北界湖北西北界四川西界貴州西南界廣西東南界廣  
東東界江西省會長沙府統府九直隸廳三直隸州四州三  
縣六十四

**問**河南**答**河南古禹貢兗豫二州之域今在 京師西南一千  
五百四十里東西距一千一百二十里南北距一千二百九  
十里南界湖北東南界安徽北界山西東北界直隸山東東  
界江蘇西界陝西省會開封府統府九廳一直隸州四州六  
縣九十七

問山東。答山東古禹貢青兗二州之域。今在京師南八百里。東西距一千六百四十里。南北距八百一十里。北界直隸。西南界河南。南界江蘇。東與東北俱界海。省會濟南府。統府十。直隸州二。州九。縣九十六。

問山西。答山西古禹貢冀州之域。今在京師西南一千三百里。東西距八百八十里。南北距一千三百六十里。東界直隸。南界河南。西界陝西。北界蒙古察哈爾。省會太原府。統府九。直隸州十。廳二。州六。縣八十五。又歸綏道屬廳五。

問陝西。答陝西古禹貢雍州之域。今在京師西南二千五百三十五里。東西距九百三十五里。南北距二千四百二十六里。東界山西。河南。西界甘肅。南界四川。東南界湖北。北界蒙古。省會西安府。統府七。直隸州五。廳八。州五。縣七十三。



旗兵教讀

前督辦軍務王大臣會同北洋大臣奏派伍蔭樓觀察昌挑選入旗子弟駐紮天津按西國操法訓練於武備學堂之旁建設學營去冬工竣今悉王大臣在皇太后之豫園等處選得值衛旗兵一百六十名於二月初十日派令協領等官六員由京帶領抵津經伍觀察點收後分作三隊釐訂課程日中出場操演早晚教授天算兵法等學

錄博聞報

選將剿匪

高州之石城土匪起事賊勢孔亟而信宜吳川兩縣又有亂耗譚宮保雖假期未滿乃現調在番禺石井辦理善後之鄭鎮軍潤村返省酌議率所部安勇往石城會剿

節四月滬報

礦務中止

聞杭省衢州府屬之龍游縣境內所開煤礦因無所獲相率停止

查龍游杜山塢等處煤礦商人項雙松等於上年夏秋之交稟准集股開辦未及一載猝然中止與股諸人未獲分文利息不免吃虧太甚耳約四月新聞報

### 演習鎗砲

京師神機營官兵駐紮南苑操練將及兩月本年新添夜操演習鎗砲極爲得法茲屆首夏照例於三月廿四日一律撤回俟五月仍著換班再行前往云約四月新聞報

### 關稅比較表

自中日構釁後去年關稅較前年增百分之十較一千八百九十四年增百分之十五除臺灣已歸日本不計外去年牛莊計收銀十六萬八千零八十四兩新開之埠沙市僅收一千七百七十六兩蘇州收三百四十三兩杭州收四千零六十兩此三日所收之稅不過少補各口之不足耳惟上海一隅去年所收之稅較一千

八百九十五年竟增至五十萬兩茲三年各海關所收數目列表於後以備留心時事者觀覽焉

一千八百九十六年 一千八百九十五年 一千八百九十四年

牛莊 十六萬八千零八十四兩 是歲中日構釁無收 十四萬三千三百六十二兩

天津 三十三萬二千二百零六兩 二十八萬七百零六兩 二十四萬九千四百零四兩

烟台 十萬一百九十三兩 十萬八千零七十六兩 八萬六千六百三十兩

重慶 十二萬二千一百三十五兩 十五萬七千二百二十二兩 九萬二千三百三十六兩

宜昌 十三萬零六兩 二十三萬零二十六兩 九萬五千三百六十一兩

沙市 一千七百七十六兩

漢口 三十七萬六千六百九十七兩 三十八萬零五百五十八兩 四十一萬六千二百六十七兩

九江 二千萬四千九百九十九兩 二十二萬三千五百三十六兩 二十萬二千零十四兩

蕪湖 十三萬八千三百二十兩 十四萬七千八百三十九兩 十萬三千五百六十五兩

鎮江 二十三萬二千六百三十九兩 三十四萬二千一百五十三兩 三十三萬三千九百六十五兩

上海 二百十二萬零五百三十四兩 一百六十二萬二千六百五十六兩 一百五十一萬三千五百七十四兩

蘇州 三百四十三兩

甯波 三十五萬八千五百五十五兩 三十二萬二千零三十六兩 二十八萬六千五百五十九兩

杭州 四千零六十兩

溫州 六千二百七十兩 五千四百七十二兩 二千五百零二兩

福州 四萬八千三百八十兩 三十九萬四千一百九十三兩 四十二萬二千三百五十五兩

廈門 二十五萬四千七百二十四兩 十九萬九千六百九十四兩 二十二萬六千零六十二兩

汕頭 二十八萬七千八百十兩 三十萬零二千一百三十八兩 二十七萬八千五百八十兩

廣東 四十二萬七千二百十四兩 四十六萬二千六百八十五兩 四十八萬五千五百三十八兩

瓊州 三萬零七百五十六兩 一萬七千四百五十二兩 二萬一千五百六十四兩

北海 四萬八千七百五十五兩 三萬七千九百九十九兩 五萬九千五百十三兩

共計五百七十五萬三千四百四十七兩 五百二十一萬二千三百四十四兩 四百九十九萬九千零六十九兩

錄四月商務報

波斯中興

波斯新王木則伐耳勵精圖治持下嚴諭將多年積弊剔除糧肉之稅蠲免大小官員大半出於捐納一概停捐新王持己甚嚴待民極厚內外臣工有不盡其責者立加斥責貴胄有培克聚斂而成富者飭繳贓款歸諸府庫波斯人含冤者鳴之官府向不能一伸其曲直蓋以錢爲也茲新王命在通都大邑置肺石函准遞訟詞於其內以聽朝廷評斷

約正月考查東方情形報

美國財政

美國戶部尙書呈報議院云美國財政情形截至一千八百九十六年六月三十日爲止美廷於前一年中實收各項稅銀四百零九兆四十七萬五千四百零八他拉實用諸項之款共計四百三十四兆六十七萬八千六百五十四他拉各項進款之中關稅實收一百六十兆零二萬一千七百五十一他拉內地諸項稅課共

身錄二  
六  
收一百四十六兆八十三萬六百十五他拉。是年進口交稅貨物  
值錢三百六十九兆七十五萬七千四百七他拉。同年進口免稅  
貨物值錢四百零九兆九十六萬七千四百七十他拉。外國貨物  
內地之貨由美出口者。統值八百八十二兆六十萬六千九百三  
十八他拉。錄西國近事

### 試駛新船

俄在法定造兵艦一艘。名斯衛特蘭。竣工試駛。觀者如堵。均在船  
頭站立。聽候營造是船工師之指畫。船內外大小機器。靡不親講  
一過。按是船爲頭等巡哨。船面船身均有厚網葉包蓋。裝飾華美。  
長徑一百零一邁當。寬徑十三邁當。載重三千八百二十八噸。每  
點行二十一海里。馬力八千五百匹。新式大礮六尊。中等礮十八  
尊。魚雷筒二座。武官艙異常齊整。惟不甚寬綽。因俄武官不願將  
官艙造大。致兵弁在船中有坐臥擁擠之嘆也。查是船係在一千

八百九十五年十二月間興造逾稔竣工不可謂之不速。試行禮成後開宴。俄船主阿巴自恭作讚詞宣於眾曰。俄新造之船。既用法之材料。又費法之人工。自茲以往。一自仰觀是船所掛之俄旗。要當思俄法友誼敦篤之情。有逾尋常萬萬。俄之水師官兵駛船入法口停泊。每叨法之優待。寤寐莫忘。故洋面若遇法船。莫不鼓掌歡呼曰。在法船者非俄之兄。卽俄之弟也。本船主定自翌日起。遇有佳節。卽行張掛俄法兩國官旗。一則表盟國之威。一則敦友邦之好也。節正月彼得堡時報

### 嚴查客民

特蘭斯法耳民主國立法箝制客民。自正月一號以來。日有禁止入境者。查驗尙屬認真。間有暗入特境者。一經覺察。立解出境。節西正月巴黎時報

### 俄國軍情

德京柏靈訪事人來信云。俄國現添增水軍。擬自西一千八百九十七年起。至一千九百零六年止。共籌俄銀八萬萬盧布。爲整頓水軍之用。又云。現在俄京彼得堡之大船廠。造出三輪極快鐵甲。不日即可告成。該鐵甲載重六千六百三十噸。一萬一千六百零十四匹馬力。每鐘能行二十四英海里。有奇。除各項軍器外。每艘共值俄銀二百三十三萬六千盧布。現該國有水軍一隊駐紮歐羅巴洲之波羅的海。又一隊駐黑海。又一隊駐太平洋。不日又派一隊駐北冰洋。又在俄屬之白慢海濱。開立口岸。卽設一鐵路。由該口達至俄屬之福蘭省云。又云。駐黑海之俄提督。前經出示曉諭。各口之請假各武弁及管駕各員。速行銷假。以便回國操演。錄西

二月字林西報

### 吉賠俄款

吉瓦國王每年賠給俄國戶部兵費一十五萬盧布。其末一次賠



款將於一千九百年間到期。屆時吉瓦國王方可不受俄廷節制。且可與布哈拉國王同享一切權利。然雖成自主之國，仍須俄廷保護。俄廷亦將遣使前往吉瓦駐劄。錄官書局報

### 斐島亂由

小呂宋諸島稅煩賦重，上下交困。商人請西廷減稅被駁，議欲趁日巡撫及神甫人等在大教堂祈禱時，概行戕害。有某婦請教士易箒洩其謀，教士奔告巡撫，重加懲辦。現工役四散，嘯聚鄉愚，拆電桿，毀鐵路，抗拒官兵，竟無虛日。西兵搭郵船到小呂宋者，絡繹不絕。其中未候編伍，卽瓦解者，亦復不少。西軍之不力，半由此耳。約正月考查東方情形報

### 德比議設德律風

近日德比兩國由安特維盆口至柏靈，試用德律風以通來往信息。現因議來往傳話之費，意見不合。德國以爲不論道路遠近，傳

話價值均須一律。比國則謂宜按比法章程，以道里遠近定傳話費之多寡。自局外人觀之，若照比國與荷蘭所定德律風章程，則盡美善。如定時刻，以銀行定行情之時爲斷。時外以五分鐘爲限。時內以三分鐘爲限。若包用一月，每日可用德律風十分鐘之久。較之比德邊疆德律風章程所定時候稍多數分。查德比邊疆前定每次傳話不得過三分鐘，且價極昂。果能照荷蘭與比國章程辦理於德國公務及商民，大有裨益。約西十一月德國歌倫報

### 添增陸軍

法國兵部大臣擬加添步兵一百四十五隊，每隊五百人，并添製快礮一百尊。日夕訓練，蓋欲較德國多加步兵一百五十隊也。德國兵部大臣及各統領聞之，卽趕緊將步軍所用之新式連環快礮，立即添製。費德銀二萬萬瑪士。將水師戰艦，無論新式舊式，一律安置連環快礮。加添步兵與法相等。論兩國人數，德多於法，故

招募較易現兩國爭雄互不相下異日干戈之局恐先自德法開矣。約西正月日本郵報

### 請闢新路

英國工師白拉克請築阿勒散得力蘇彝士印度鐵路之條陳略謂此路經由巴素刺城越波斯國南境至庫拉齒而達孟買欲求各國不致糾纏此路可由蘇彝士河對岸麻衣士等處造起經由聖地進香之路至阿加巴城穿過海喀沙漠此處興工最難不特運料維艱恐土耳其將起而阻止也由此而東尚須經過波斯地面一千六百啟羅邁當而入俾路芝國既至俾國則如入英境無異矣。錄西十二月巴黎時報

### 總統戒嚴

美國新舉總統麥金利近離愷東城就居於基加哥城其妻母家蓋因親友以麥君得舉總統懇求差使纏糾不已麥君已收囑託

者如小差如書記兩項就鄂西育一處而言不下入千餘人查前  
美總統稱非而臺應選後有求差使隨至華盛頓京城者稱非而  
臺未能一一安插終爲基都所刺今麥君雖移居基加哥城仍未  
能安如泰山因令眾包探嚴加防範以備不虞錄西十二月巴黎  
時報

### 越南弊政

法蘭西所治越南一境政令甚苛凡客初至無分良莠例必押進  
新客亭查搜行李傾囊倒篋任其所爲倘開鎖稍緩每受鞭責繼  
往新客衙門察言觀色度量身材報以名姓年庚住址並點印指  
節紋多方留難恆致延緩數天始能完畢其律例亦輒次變更終  
無一定居其地者宜自知防檢偶有大意必墜牢網更須繳納身  
稅向例每年取民十元零九占今又增至十二元五毫西歷本年  
正二月應一律償還換領新照若爲稽延捉去置囹圄滿期則逐

歸原籍然則欲遊是邦者不可不知也。錄二月申報

### 整頓水師

東京報云。水師者今日之要圖。欲振國勢而威列邦。舍此別無他策。故整頓水師。爲言時務者第一義。東京水師學校。現添傳學生四十九名。原額二百七十三名。除請假告退者。尙餘二百四十一名。其中才堪造就。學藝精通者。實不乏人。已膺保都司者四十一名。大副者八十名。機器師者十一名。幫機器師者四十九名。均經派在船練習。以資閱歷。日本兵燹以後。所有水師員弁。尤爲器重。於海防事宜。亦極講求。其膺不次之遷者。百有七十餘人。學校陸續添設者。二十餘處。並聞各學校。按年添傳學生一百名。當一千八百九十四年。統計日本船隻。僅載重二十一萬二千九百二十五噸。現則增至三十三萬九千七百二十四噸。本年又仿泰西式。建造輪船七百四十五艘。帆船七百二十二艘。錄西十二月日本

稅則新章

美國議院民主黨議定稅則章程。向日按價抽稅。今改爲按觔兩抽收。羊絨布絨及鉛片等物。稅餉均較前加增。羊毛木料雞子向曾免稅。現仍照章輸納。約西十二月德國歌崙報

俄國度支

俄國豫算本年度支。尋常進項十三萬一千八百三十六萬六千四百九十五盧布。尋常出項十二萬八千四百八十五萬八千八百六十二盧布。進項較出項多三千三百五十七萬零七千六百三十三盧布。又有臨時出項一萬二千九百一十一萬二千一百九十六盧布。臨時進項一萬二千五百萬盧布。其進項不敷。則以尋常進項所餘。及戶部豫備金補之。臨時出項中。有西伯利亞鐵路費六千四百五十萬盧布。其餘鐵路費三千三百五十萬盧布。按本

年尋常進項較去年加增七千八百八十九萬四千八百盧布。出項加增五千三百七十七萬四百四十八盧布。現擬改變幣制。廢銀貨而用金貨焉。錄二月日日新聞東報

### 阿部礮臺

連祺野者。阿比西尼亞王親信之人也。近奉諭在邊地緊要處。酌修礮臺數座。以固邊防。錄正月木司寇新聞報

### 籍制客民

十五號倫敦晨報接華盛頓電云。美國上議院紳士羅傑。擬有新例一條。凡外國人之遷居來美者。必須操本國語言。美國律例。至少能誦五行。始准上岸。否則無論貧富。一概由公司發給船資。令回原籍。錄西十二月巴黎辯論日報

### 陸軍新章

日本兵部大臣擬定陸軍各學堂章程。分上中下三等。武備陸軍

學堂及武備院俱按新章辦理章程列後 一凡娶有妻室者除  
准入外科及醫獸院學習外不准投入武備各堂 一凡本人或  
其父兄有欠人各債未經償還者不得入堂 一凡身染嗜好被  
人控告有案或曾犯罪遇赦者一律不准入堂 一凡舉止佻達  
心術不端及自暴自棄之流雖經入堂亦必斥革 一凡上等陸  
軍學堂共選六百人中等陸軍學堂一百五十人下等陸軍學堂  
共六處每處五十人習礮學堂一百七十六人 一凡上等陸軍  
學堂各生自十八歲起至二十三歲止中等陸軍學堂各生自十  
六歲起至十八歲止下等陸軍學堂各生自十三歲起至十六歲  
止內科醫院各生將來充當軍營醫士者自十二歲起至二十八  
歲止外科醫院各生自二十歲起至三十歲止習礮學堂各生自  
十八歲起至二十五歲止武備雜藝學堂各生亦自十八歲起至  
二十五歲止身材長大必以日本五尺爲率其下等學堂各生則



四尺五寸亦可。一凡各學堂學生除現在軍營當差外均需照相一紙將姓名籍貫年歲填寫於後送呈各堂總辦以憑考試時對驗。所有考試學生各題預行擬定作為定章亦列於後。一考試上等學堂各題係中日文論代數幾何本國及各國地輿化學格物均繪圖形其有精於外國語言文字者均聽其報考。一考試下等學堂各題係背誦本國書籍作本國文論其地輿格物等亦稍繪圖并試以尋常算學。錄西正月日本郵報

### 水師軍費

西歷一千八百九十五年至一千八百九十六年各國水師軍費開列於後。英國水師軍費一千八百七十萬零一千磅英銀。法國一千八百一十一萬四千六百四十八磅英銀。俄國六百一十萬零二千六百一十二磅英銀。美國五百零七萬三千三百六十五磅英銀。德國四百八十一萬五千一百二十五磅英銀。意大利國三百

七十一萬三千五百六十九磅英銀。日本亦增至一百一十二萬七千九百七十四磅英銀。錄西十一月倫敦郵報

### 英人懇荒

英電言非洲脫蘭寺罰爾界外與英屬地相距處中隔一大荒地他國覬覦日久向在是處服官之英人緣緹絲才高識廣深恐英落人後因請設立墾荒公司英廷許之照例給予文憑按脫蘭寺罰爾即特蘭斯法耳。錄十二月萬國公報

### 法國陸兵步法

一千八百九十七年一九號法國兵部議准將步兵急步度數每分鐘須行一百二十至一百二十八步每步以長七十五桑的邁當爲率查一千七百九十一年八月一號核定步兵每分鐘尙行一百步每步以六十五桑的邁當爲率法皇杷納百脫朝將緩步之例概行除去凡操演時出隊歸隊皆須遵急步度數行走拿破

崙開操時雖聚眾至數千萬人之多亦必令行急步後復諭令自  
一千八百三十一年三月四號始武備學堂皆須習行急步每分  
鐘以一百三十步爲率不必入營後始遵此例然步隊中甚難合  
格一千八百六十一年二月十三號始更前令凡急步每分鐘當  
行一百十步每步長六十五桑的邁當後復加長每分鐘當行一  
百十五至一百二十或一百二十八步每步長七十五桑的邁當  
是爲適中之數約西十二月巴黎時報

### 法國馬兵步數

法兵部大臣皮育答某紳士曰德國以步計不以尺計德國一步  
實抵法國七十五桑的邁當按德國一里合有七千五百邁當現  
在眾人皆謂德國馬兵每分鐘可行五百六十邁當乘七十五桑  
的邁當祇有四百二十邁當也前數年法國馬兵每分鐘祇行三  
百四十邁當自議定加長至四百四十邁當後可與德國馬兵並

駕而齊驅矣。約西十二月巴黎時報

### 瑞士新章

瑞士國新定官員議處章程現交各省會府縣議並詢及百姓以定可否。可者三十一萬九百九十人。否者七萬七千一百六十九人。約西十二月德國三日軍報

### 教友當兵

君士但丁來電云。近因土疆不靖。大教院定章。所有教中執事亦應一律充兵。一面派人勸導教友。同仇敵愾。錄正月彼得堡時報

同文館課程

總理衙門同文館課程八則。照錄。首年認字寫字。淺解辭句。講解淺書。二年講解淺書。練習句法。繙譯條子。三年講各國地圖。讀各國史略。繙譯選編。四年數理啟蒙。代數學。繙譯公文。五年講求格物幾何原本。平三角。弧三角。練習譯書。六年講求機器微分積分。航海測算。練習譯書。七年講求化學天文測算。萬國公法。八年天文測算。地理金石。富國策。練習譯書。館中考試。有月課季考。歲試之分。歲試於封印前舉行。月課季考二日畢事。提調總教習等監場。歲試三日畢事。總理衙門堂官監場。月課例給花紅銀三十二兩。季考例給花紅銀四十八兩。歲試例給花紅銀七十二兩。夏季增加漢文課。每月給花紅銀八兩。歲試季考則酌量課業之進退。而增減其薪水。大考每屆三年舉行。優者保升官階。次則記優留館。劣者除名。節新聞報。

俄國伯利省設立武弁華文學堂

俄國武弁舊有學習東方語言之議。今伯利省統領駐防軍營某君。量加推廣。卽在該省設立華文學堂。肄業者皆營員也。擬自一千八百九十七年起。至九十九年止。學中功課以練習中國語言爲第一要義。口傳心受。卽在營中舉行。其綜稽文事。講求武備各事宜。責成副管帶某君辦理。所有堂規。概與教習秉公商訂。聘請東海濱總督衙門文案繙譯多布羅威多福君。爲華文正教習。另聘華人副之。月薪二十五盧布元。由營發給。營官學習華文。共分三期。第一期自一千八百九十七年正月初七日起。至五月初一日止。第二期自是年十一月初一日起。至次年五月初一日止。第三期自九十八年十一月初一日起。至九十九年五月初一日止。學堂每班不得過七人。如多。須分班教導。應由該管官員擇其情願來學者挑選。名冊留營存查。現訂星期一。周。就學三次。每班教

導兩點鐘均於武官公餘交課每屆期滿由總辦考查以覘造就。考取者准於下屆接習。經費自備。惟一切入門指南各書則由官購備用。但入學諸人。無論已否畢業。均不得別尋門徑。俟有成效。方給文憑。奉差入華焉。錄五月時務報

### 藏書卷數續志

中國書籍之富。首推四庫全書。餘若鄞縣之天一閣。吳中之玉柱樓。常熟之汲古閣。現今湖州之陸氏。亦皆堆滿芸編。所雇抄胥日數十人。海外各國藏書。首推奧斯。國中書樓得五百七十七座。書籍五百四十七萬六千冊。次爲法蘭西。計書樓五百座。書四百五十九萬八千冊。意大利書樓四百九十三座。書四百三十五萬冊。普魯士書樓三百九十八座。書二百二十四萬冊。瑞威書樓一百六十九座。書一百三十六萬九千冊。英吉利書樓二百座。書二百八十七萬二千冊。俄羅斯書樓一百四十五座。書九十五萬三千

冊。此皆公家之書。私藏者尙不在此數也。聞巴黎大書院之書有二百零七萬九千冊之多。伯靈京書院亦得七十萬冊之多。當羅馬強盛時。國中書樓得一千一百餘座。儲藏二千餘萬冊。今羅馬華隸剛大院尙有手鈔書籍二萬五千冊。近法人某甲創議欲集資本九百五十萬佛郎。以一百五十萬造書樓一所。七百八百萬購辦天下書籍。出租人看。亦一大觀也。節四月商務報

熊編修亦奇條議大學堂課程

暴秦以降。先王之道存。而先王之法亡。亡之中。傳之西。西人拾之。又從而精進之。故其國政與教分。道其所道。道無足觀。而法我之法。法乃轉勝。通商立約以來。彼不解取我之道。以益所本無。我轉得採彼之法。以還吾固有。以道御法。法行道行。彼法先來。吾道終往。全球大一統之規。將基於此。夫道一而已矣。法在下爲藝。在上爲政。前擬官書局。設一新學館。開風氣。育人才。不過徂引其端。因



而擴充之。非廣設學堂不可。學堂者以吾道爲體。以我法參彼法。兼藝與政爲用者也。古之爲民者四。曰士農工商。今之爲民者五。增其一曰兵。士不必能爲農工商兵。而不可不通農工商兵之學。農工商兵不必能爲士之學。而不可不專學其學。願其始効皆必原於小學。請爲小學設二科。選子弟聰穎者入之。曰音訓。中國六書兼及各國語言文字。學所由入門也。曰測算。中西算學兼及天文。歷法。律度量衡。學所從措手也。士者農工商兵之耳目。亦農工商兵之樞紐也。士之學爲大學。請爲大學設二科。選子弟小學有成。尤聰穎者入之。曰格致。水火光氣聲力化電無不賅。所以學爲藝。備農工商兵之用也。曰政治。職官賦稅典禮法律軍政郵政工程交涉無不具。所以學爲政。制農工商兵之宜也。有士斯可有農工商兵。農工商兵之學不曰大學。曰專學。請爲專學設六科。選子弟小學有成。性有所近者入之。農者工之本也。農有科二。曰種植。

因天時。察土宜。盡人事。地上之利無不興。曰礦石。明相度。善開采。精熬鍊。地中之藏無不出。如是而工有所資矣。工者。農之委。商之源也。工之科一。曰製造。化果穀爲酒餚。變絲麻爲布帛。易金木土石爲車舟。宮室器用。機括有必精。工力有必省。如是則農有所授。商有所因矣。商者。農工之流也。商之科一。曰轉運。公司以厚其資本。銀行以通其有無。汽船火車以捷其轉輸。電報信局以神其消息。利權有必攬。利源有必擴。如是而農工有所通矣。兵者。農工之衛也。兵之科二。曰水師。外洋內港。風潮沙礁。有必詳。兵船礮臺雷彈機輪。有必習。曰陸師。馬隊步隊槍隊礮隊工程隊。奇正分合。有必熟。攻法守法。進法退法。安營法。疾徐隱見。有必嫻。如是而農工商有所保矣。大學士所獨也。小學專學。士農工商兵所同也。凡三學六類十科。科設一堂。堂爲若干齋。齋分若干事。綱舉目張。鉅細必舉。或兼或專。因材而篤。毋掛漏。毋雜糅。毋作輟。毋凌躐。復爲總

堂日集十堂之秀。講明吾道。綱常名教之大。修齊治平之全。求其所當然。及其所以然。濡染而薰陶之。優柔而饜飫之。託始京師。推行各省。師師濟濟。不可勝用。以道御法。法行道行。彼法先來。吾道終往。三年而國勢振。十年而國體尊。數十年百年而爲大國師。爲萬國主。全球大一統之規。舍是其將焉往。彼芒芒然謀富於商。不知求之農工。皇皇焉責強於兵。不知求之士農工商。舍本逐末。顧此失彼。蒙誠不識其可也。若夫節目之繁猥。條理之縝密。非尺幅可終。今姑從畧。一西學須從語言文字入手。兼習圖算。是爲第一級課程。蓋不通文字語言。則無由讀書。不習圖算。則天文地理格致諸學。皆無由入門。故西洋蒙館。無不以作事繪圖筆算心算等爲初課也。一語言文字。雖不必遠尋希臘羅馬古文。而英法德俄四國之文。不可不備。論西國通人。無不兼通數國。今各學生問津伊始。難責以兼人之量。只可各占一科。一自各國通使往

來。又有貿易交涉。凡爲士商者。不能不知地球大勢。及他國盛衰強弱之由。故西人教初學。必以地球圖說。及各國史乘爲先。盡人所當共知。二者不可偏廢。今亦仿用其例。定爲第二級課程。一多識於鳥獸草木之名。古人詩教則然。西人有植物動物等學。亦同此意。不但識其名。更當盡物之性也。此二學最淺顯。當爲第二級課程之附。一格致化學。爲養民富國之本。公法條約。爲睦鄰禦侮之本。定爲第三級課程。令各學生分途學習。以成專門名家。一人皆戴高履厚焉。可不知天地。通天地人爲儒。亦古人之志也。故天學地學。亦足爲第三級之課程。期其專精一學。一天學與算學相表裏。算學與格致諸學相表裏。凡算學由淺入深。自初學以至成材。其用最廣。其功不可閒斷。須參合中西。故洋漢兩課並及之。一地學有考地形者。有考地質者。地形之學。輿圖是也。已載第三條矣。地質之學。兼金石質言之。實爲農學礦學之本。與

格化諸學亦相爲表裏。一農學礦學商學固以算格諸學爲本。然西洋近來已各設專科。今當仿行之。俾爲格化學及算學者各專一門以底實用。一製造一科。凡深於測算格致者自能知之。不復列爲專門。一以上課程雖以西學爲主。務令簡約可行。不復盡拘西例。故道法醫三大科。在西洋大學中。最爲專精切要之學。茲弗遑及。一此論課程大概。其詳細節目。俟延訂教習後。再當斟酌盡善。附武學。一有文事者必有武備。前數條論文事詳矣。宜更設武學。與文學分院練習。一武學以陸軍水師爲兩大宗。其課程節目。俟延訂教習後再議。一船政學堂本係專設。應在近海之處。凡造船行船諸法。不但行軍兼資通商。於富強最有關係。今姑附於武學。俟後再行擴充。一電綫鐵路等。本各有專設學堂。今亦附於武學以資考究。學規十條。仿照天津育材館成例。一每日上午八點鐘到館。下午五點鐘散館。不得遲

來早去。一每日習漢文四點鐘。洋文四點鐘。午膳一點鐘。一  
所有課程教習。分班排定。按序肄業。毋得僥越。一師道宜尊。請  
業請益。皆當起坐。見教習禮貌必恭。毋得簡傲。一肄業之時。各  
宜專心壹志。其互有質疑問難之處。在所不禁。惟不得閒談笑語。  
親友亦不得來訪交談。致荒館政。一諸生每日功課畢後散學。  
及每月放學之日。息游原所不禁。惟切須自加防檢。毋得蕩其心  
志。致肄業不能專進。一讀書行己。二者交修。諸生來學。毋得務  
奇立異。以世俗浮僞之習爲戒。立心行事。力趨篤實。相期遠大。人  
貴自立。毋待煩言。一每月逢星房虛昴日。放學一日。夏月入伏  
日起放學二十日。十二月十六日起。至次年正月十五日止。放學  
三十日。此外概不得曠學。一洋文所需書籍筆墨紙張各件。由  
館中供給。漢文所需書籍各件。由諸生自備。一館中所備各種  
書本。祇准在館閱看。不得攜帶出外。錄四月集成報

紐約農人報云。種山薯之地。宜先種丁香一年。然後加肥。映之田料。至種薯時。以汞綠開水浸其種。斯年年得薯必圓大而多也。又種蛇母子法。須得寒暑之宜。又須察其田土肥瘠。瘠則加以田料。生長自易。四五月發苗。鋤其雜草。田土須極軟膩。宜時時細鍊。冬時蓋以禾稈。或別草亦可。果熟之時。採摘亦須小心。又云。雀麥穀多生斑點而不實。法以濃鹹水置於桶。將麥種浸而攪之。撈起鋪於馬房地上。和以石灰。既和。宜卽落田。惟必以手撒布乃勻。如此。則麥自無斑點也。又云。植物多被蟲害。須以猛藥殺之。凡最細嫩之苗。用煙葉煎水淋之。若麤樹根被蟲傷。將樹根處掘地三尺。埋以炭硫。其蟲卽死。至李樹以水火油鹹水治之。桃樹以鉛化水治之。蓋此物不得傷其葉也。又云。輕四淡養。硫養三。與肉養。淡養五。二物皆含淡氣極多。人咸以之肥田。惟未能別其優劣耳。有許多

禾稼果蔬須輕四淡養硫養三之一百分始能敵內養淡養五之九十分此說極爲有理凡苗初發芽時易受輕四淡養硫養之所傷而內養淡養五雖傷亦不甚也溺水能助植物生發但芽旺時不得太濃濃則反有害焉又云魚爲田料上品以其含淡氣養質甚多惟欠輕質若以海水或淡水之魚入泥砂中卽變最上田料現有砂泥田料製造公司採魚造料用者咸稱美品云

種植之事雖恃天時尤在人力同此土田同此樹藝而收穫之多寡不同由農功之精不精也西人講求種植不遺餘力先考土性之原質次辨物產之所宜徐及澆壅諸法并治穀蠹木蠹之害務欲各盡地利各極人功所以物產贏餘一畝無異數畝之用非農功之精曷克臻此中國東南各省尙有講求種植之法西北沙漠之區半爲荒棄誠能逐爲開墾教以種植之法務使野無曠土農不失時則富國之謨莫先於此矣



演放暗礮

英國軍報第三號云。英國近在波爾次芒。試放水底暗礮。其法係用阿木司他郎大礮一尊。俟潮退時。安放海口沙灘上。迨至潮漲時。海水高過礮身六尺。在礮前面。置二十一寸厚之木牆。牆後置三寸鐵甲船。同時洞穿。燃礮時。係用電氣引燃。現試驗有效。咸謂戰事。用以防守海口。轟擊敵船。甚為合用。約德國三日軍報

彈子新製

有法國官一員。新創彈子。以一層薄鉛質為壳。又以紙團為心。以之代常彈子。中敵既多。而能傷命。現在奧國軍務處試用云。錄知新報

考求銅質

倫頓商務報云。有機器師。窮出新法。以五金參於銅中。使金與銅各半。用以鑄各式銅器。必能精美。至製電亦用銅。方能成。而銅有

參五金者更妙。有製電師名壓地成者。曾造一機器試用。謂其銅甚適用云。錄知新報

### 水機妙製

西人於機器一道。精益求精。茲據西報載稱。冥骨智勝君。現在英國製成穿地取水機器全副。呈奏英皇請予憑據。已蒙國家准給。聞冥君所製機器簡便敏捷。與各式不同云。錄福報

### 以草製磚

有名奄末士者。以湖草製成方磚。爲砌街道之用。此草加松脂桐油濕透。以模壓方磚。厚六英寸。闊十四英寸。長二十一英寸。更以鐵脩細之。每一方尺之磚。重可四十磅。輕重任意爲之。蓋將此物鋪於街道。趨步無聲。而伸縮有力。且不覺有寒熱之變。保其五年不壞。嘗有數處試用之。皆以爲適用。此草沿海皆有。並非貴品云。

法國絲稅

日本駐法國禮安城之領事也馬大致電於日外務署謂法國議政局現擬將入口絲綢貨物增抽稅餉另議條款鼓勵法商販運法國絲出口給以一定利權所議兩事法甚爲歡悅云錄新聞報

湘省電價

湘省電綫已於上月念八日與鄂省武昌局接通卽於是日開局照章送報三天所有各處寄電價目 凡同省各局往來每字洋一角至湖北一角三分至陝西四川江西一角六分至山西甘肅安徽廣東貴州一角九分至直隸江蘇福建廣西雲南新疆二角二分至盛京山東浙江二角五分至吉林河南二角八分至黑龍江三角一分至北京二角七分洋文均加倍各省通衢市鎮均設有電局地名不及備載價目俱視省城如無電局之處亦可就近專差遞送加力照章寄收來往各報如須本局譯碼者則須另加

譯費云。錄新聞報

### 京南鐵路得利

京津鐵路接至看丹村。抵蘆溝橋爲幹路。近又在看丹村分支斜向東北。從草橋北直抵柳村。由柳村至永定門。僅二里許。此爲另一火車支路。近日俄使由津到京。卽從此路火車而來。京內旗漢各官民。以鐵路爲罕見之事。爭往搭車觀玩。不可勝計。凡客從永定門火車至看丹村。只需錢二十文。約二十餘里。兩刻可到。若折回則只取半價。以故火車棧利市三倍。或云不十年而本利儘可收回云。蘆溝橋西至宛平房山縣之鐵路。已經盛杏蓀太常批准。著某甲領憑照議興。工月內將行開辦。此條鐵路爲直達宣化府之嚆矢。以宣屬西山之煤窟。大可轉運。有此鐵路。用機器取煤。出煤之數必多。轉運又便。煤價之賤。可計日而待。且張家口皮貨。蘇姑絨氈等。亦易於行販。誠一舉而數善備焉。

蘇州日本租界章程

第一條 中國允將蘇州盤門外相王廟對岸青陽地西自商務公司界起東至水滌涇岸邊止北自沿河十丈官路外起南至採蓮涇岸邊止卽圖內紅綫所劃之處照豎界石作爲日本租界至沿河十丈地面一層官路四丈在內暫作懸案但中國允日本人民任便往來行走上下客貨繫泊船隻並聲明不得在該地面上有所建造將來倘允別國將沿河地面列在居留地內日本亦當一律辦理 第二條 界內道路橋梁以及巡捕之權由日本領事官管理其道路橋梁今議由日本領事官設法造修與中國地方官無涉但照圖內所劃應設道路之外若另開道路凡於彼此人民水利有關之處須與地方官妥商辦理 第三條 界內地基祇准日本人民租賃但華人願在界內居住者准其租屋自行貿易營生至於品行不端無業游民曾經犯案不安本分之華人

及擾害租界行同無賴之日本人概不准在界內居住違者卽行驅逐不許逗遛倘再故違由該國應管之官懲辦其界內居住之華人凡有詞訟案件及中國地方官應辦事宜務照上海租界洋涇濱會審章程辦理中國應在界內設立會審公署 第四條  
界內地價每畝議定租價洋銀一百六十元自蓋印之日起十年內不得漲價十年後則應照界內鄰近公平價值租賃租主業主均不得阻撓抑勒 第五條 界內地稅每畝年應完納稅錢四千文但從蓋印之日起十年內每年每畝只能完納稅錢三千文十年外則每年每畝應永納稅錢四千文其完稅日期每年限定華曆正月十六日起至三十日止此十五日內各租主須將該年應納之稅如數措齊照上海各國人完納之法辦理但公用之道路橋梁井溝等處不納地稅亦不准一人一家租賃 第六條  
凡租地時須稟請日本領事官將承租人姓名以及欲租地若干

畝照會中國地方官派員會同踏勘該地有無窒礙始能出租並俟其交清租價及一年地稅地方官應繕租契三紙除一紙存案外其餘二紙函送領事官蓋印一紙交該名收執一紙存領事公署以便查考租妥後令租主自立界石再界內地段每人至多祇能租六畝至少亦須租二畝倘有須租至六畝以上者應先具情稟請領事官領事官乃照會地方官核辦

第七條 凡租地必須租主或代理人居住經營若有不得已事故非轉租不可之時須先稟請日本領事官查明照會中國地方官存案方准換契轉租以便查考

第八條 凡租契以三十年爲限滿限後准其換契續租以後永照三十年一換起之例換契時租主應稟請日本領事官咨照中國地方官更換不得再給租價以及別項費用倘滿限不報者應由地方官通知領事官傳諭該名若逾兩月仍不呈報即將該契註銷以便稽查而有限制

第九條 界內房屋

應當遷讓之時。中國地方官相助辦理。至於墳墓。地方官極力開導遷移。其於墳墓多處。則應由地方官築牆圍護。以免踐踏。再界內未經日本人民承租之地。應聽憑華人照常耕種。以免失業。

第十條 界內不准建造草房。以及板項等房。致易引火貽害他人。倘違犯者。立即禁止。勒令拆毀。

第十一條 界內不准收藏

火藥炸藥。以及一切有害人身家性命財產之物。倘有違犯者。各接本國律例辦理。倘因工作必須應用炸藥等物。須先開單呈報日本領事官。由領事官先行通知稅關。查驗明確。方准起岸。待起岸後。應有一定收藏之所。並應速用完。不得任意各處貯藏。或久若不用。若有此等事故。應由領事官責令該名遷移界外。以安閭閻。

第十二條 日本領事官應與中國地方官籌商。界外一僻靜空曠。與居民無礙之地。自行向民租賃。作為日本人葬墳之所。其地丈尺。以十畝為率。倘將來不敷。隨時與地方官妥商擴充。



第十三條 嗣後蘇州別國居留地倘中國另予利益之處日本租界人民亦須一體均沾 第十四條其餘瑣碎事宜未及備載章程者彼此另行照會存案 以上各條係兩國委員各奉政府命令和衷商妥者應繕漢文日本文各二紙彼此校對無訛署名畫押各執二紙候上憲全旨批准後方能蓋用官印照行以昭信守光緒廿三年二月初三日明治三十年三月初五日 錄申報

### 經費支絀

中國鐵路自歸盛太常督辦以來事經數月仍無著落皆由籌款無出之故前擬向美國借款而抑勒過甚始言包辦工料繼言永分紅股皆強人所難頃聞已定向英商某借二千萬兩利息則四釐半借券則八扣云英商又言除借此款外他日修南幹路如粵漢等處仍須向彼籌借又有比利時商人某亦願照四釐半八扣之說可借數千萬云頃盛太常入鄂與張香帥商議此事一俟返

滬後當可定局矣。錄知新報

### 鐵路行程

津京鐵路雖已修至馬家堡。惟現在由天津來往之客商。以及各項貨物。至豐苔爲止。尙未能直達該處。至豐苔火車開往天津者。每晨七點鐘二次。十二點鐘二刻一次。四點鐘一次。共開三次。馬家堡一帶亦能來往。因石子尙未墊好。故每日只能運料。不能搭人。惟前次俄使到京。則直達馬家堡。錄新聞報

### 增設碼頭

江西福康公司。創開內地小火輪船。自去歲六月稟辦以來。先於省城九江吳城三處。設立碼頭。每逢二五八等日。駛行。並拖帶船隻。其他各處碼頭。尙未開辦。蓋因河道淺狹。擱礙難行之故。刻聞已經專人至滬。購買疏河機器。運至江垣。次第開濬。是以該公司於吉安府屬設立碼頭一所。大約四月左右。當可竣事。他如饒州

府及樟樹瑞濱各口岸不日亦當開辦矣。錄集成報

### 銀行議駁

盛杏蓀京卿創辦中國銀行所擬大概章程內有四條聞經總理衙門戶部議駁一報効國家保護維持之利益須提五成二該銀行只准滙兌銀兩不准再奪別行生意三收存商股銀一百萬兩須先交存戶部七萬兩方准開用銀票四擬領生息公款須先儘戶部存放倘國家有急用官銀行須竭力擔承照滙豐例不得推諉。錄博聞報

### 驛務章程

香港驛務司擬定遞寄信件章程第一款自西二月初一日起凡在港華人寄往以下各埠信件均須彙齊送到驛務署代寄計開  
北京 天津 牛莊 煙臺 重慶 宜昌 沙市 漢口 九江 蕪湖 鎮江 上海 蘇州 杭州 甯波 温州 福州

廣東 海口 北海 龍州 蒙自 第二款所有信件須用布袋載入細紮堅固外面寫明寄某處某信館每袋不得重二十五鎊第三款凡自香港寄廣東信件每重一安士寄費四仙士袋重於寄費照除第四款每布袋外繫一牌一面寫明寄某處信館一面粘貼信票按每安士申華權七錢二分其信不過半安士寄費折半 錄倫敦郵報

### 鄂布價值

鄂省官織布局所織之布較外洋運來之布不惟厚重而且緊密現下價值如牌名天字者每疋三兩二錢五分地字每疋一兩三錢五正頂每疋三兩四錢五頂號每疋三兩三錢五 錄新聞報

數五百兩者入於秋審。情實辦理不及五百兩者均入於秋審。緩決再限四箇月勒追。限外不完永遠監禁。全完實發雲南兩廣極邊煙瘴充軍。其侵蝕之數未逾一百二十兩者亦照竊盜律計贓。分別治罪。仍依限勒追。初限全完減二等發落。再限全完減一等發落。不完卽行實發。倘有奸民奸商偽造官錢局蓋用印信錢票除審有私雕假印關防係軍機錢糧等弊者仍照本例問擬斬決。外如僅止詭騙財物數至十千以上爲首者擬斬監候。爲從杖一百。流三千里。其不及十千爲首雕刻者杖一百。流三千里。爲從及知情行用者各減一等。如此嚴定科條定可永昭法守。而臣等竊以爲懲治於事後。究不如詳慎於事前。官錢局旣設局外之偽造及局內之侵蝕各弊端如何嚴密防察。應請旨飭下各該督撫等慎選廉能之員認真經理。不令稍有流弊。並將該員紳銜名先行報部立案。倘有營私舞弊之徒。事經發覺卽行照章治罪。毋得

稍有瞻徇致滋流弊。所有臣等遵旨議奏緣由，伏乞皇上聖鑒。謹奏。

奏覆洋商改造土貨應籌抵制摺

總理衙門

奏爲遵旨議奏事。光緒二十二年十二月十七日軍機處交片。本日給事中褚成博奏洋商改造土貨請飭籌抵制一摺。軍機大臣面奉諭旨該衙門議奏。欽此。欽遵。鈔錄原摺交臣衙門查原摺內稱上年與日本定約准在內地改造土貨。各國援照條約皆可一律仿行。從此華人自有之利權盡歸外人掌握。查改造土貨莫大於絲紗兩宗。絲銷外洋皆由內地運去。紗銷內地反自外洋販運如悉就內地改造則工價較廉獲利自鉅。日本請於蘇杭設埠其注意不外乎此。即西人乘機奮起其肯綮亦不外此。若不設法抵制勢必喧賓奪主絕我生機。上年署兩江總督張之洞深知縲絲爲織綢之本。紡紗爲織布之本。因先於蘇州鎮江南通州

無錫金匱等處。勸諭紳商開設紗廠。又擬撥款專在無錫開設絲廠。以冀逐漸推廣。總督劉坤一回任後。亦以此爲當務之急。伏思洋人每爭一利。必合上下財力。慘澹經營。而華商勢渙情睽。力分財絀。自非官力爲護持。壹志齊心。痛除向來官商隔膜。錮習斷難與彼族爭權。應請旨飭下南北洋大臣。各先籌款二三百萬。在內地廣設絲紗機廠。以爲倡導。並飭下各將軍督撫酌度土宜一體興辦。奉天直隸等處。又宜添設織造呢羽氈毯之廠。其緊要關鍵。首重得人。應令嚴定章程。公舉殷實廉幹商人。分任廠務。由官認真督查。不准絲毫贍徇。並准本省各官。暨京外大小官紳。量力附股。每屆年底。將章程款目。由總廠詳刊送閱。如有弊混。不論何人。皆准赴廠辨詰。並許附股之人。赴京呈控。查實後。除經營之人勒賠重處。並將督轄之大吏。量予處分等語。臣等查絲紗爲土貨大宗。欲設廠製造。抵制洋商。自非官商合力。廣籌鉅款。不能集事。

上年閏五月間。欽奉 諭旨。令多設織布織綢等局。廣爲製造。卽據署兩江督臣張之洞。江蘇撫臣趙舒翹。電稱。將息借商款銀二百二十六萬兩。移爲開辦商務局之用。先於無錫設縲絲廠。兼開繭行。此外各廠。擬設於上海。或蘇州。至織布紡紗機廠。約費銀一百萬兩。籌款另議。各省督撫臣先後陳奏。類能仰稟 聖謨。設局招商。各就本省物產之宜。量籌製造。似於向來官商隔膜之弊。已漸次消除。惟辦理經年。究竟籌款若干。設廠幾處。有無成效。迄未奏咨。卽張之洞趙舒翹。擬移息借商款。開辦商務局。究竟已否辦成。亦無續報。該給事中請由各省將軍督撫酌度土宜。集股設廠。官助商本。逐漸推廣。自足濬利源。而杜外溢。應照行原奏所稱。公舉殷實廉幹商人。分任廠務。由地方官認真督查。並准官紳量力附股。至年底將章程款目。詳刊一節。前年十二月間。臣衙門議覆御史王鵬運設立商務局摺內。擬由各商公舉殷實穩練之神商。



致陳佑帥書

兩湖總督 張之洞

敬啟者。昨見漢報。湘省紳士所請行湘鄂小輪船之稟。尊處已批  
准舉辦。不審確否。亦不悉已咨譯署否。執事識力恢閎。肇開風氣。  
通商惠工。百廢具舉。湖外聞之。足令俗吏陋儒。人人增氣。同心擊  
節。欽佩又何待言。然茲事體甚大。管蠡所及。有不敢不盡者。溯自  
蘇杭運河。准外人行輪。於是奉 旨亦准民間於蘇杭行輪。爲稍  
挽利權之計。而他處固未及也。洞攝官兩江時。更議開由蘇州至  
鎮江。由鎮江至清江。江甯各處。僕於江西鄱陽湖亦奏准開設。事  
出疆吏。指地奏請。若如湘紳所云。各省均經欽奉。上諭。飭令購  
置內河小輪云云。並無此說。竊思行駛小輪。於民生商務。誠有利  
益。故鄙人不憚一再推廣。上陳。然此事行於下江一帶。固屬有利  
而無弊。若行於湘中。則尙有不盡然者。西人覬開湘省口岸久矣。  
徒以風氣未開。若遠人麇至。易滋事端。故每婉謝彼族。冀緩歲月。

洞爲此事百計撐持。猶恐不得一當。台端之所稔知也。倘本省紳民先自行輸難保。外人不少趨而至。籍詞申促。譯署恐無以拒之。然所患猶不僅在開埠也。湘省民情視異族異教如仇。一旦見洋商聯臂而來。教堂接踵而起。斷難帖然。近日英領事照會。有長沙民間打該國賣洋書人之事。請查拿懲辦。業經飛速咨達。並行司查拿。請邀冰鑒。或謂近年之風尚漸見轉移。然湘中士氣素堅。民習素強。其持迂論守舊說者。恐仍不少。雖有通達時務之薦紳先生。恐亦不能徧行勸導。阻止。設有一釁端。必致牽引大局。自去冬今春以來。局勢日變。洋情益橫。又非前三年之比。以後如有傷洋人毀洋房之事。必將尋此肇衅。加添條約。斷非賠償數萬金。懲辦數人所能了事也。且並不止湖南一省之憂。與其圖不可必得之利。而貽不可勝防之患。則莫如不開此端之爲愈矣。此間稟請開辦洞庭小輪者。頗不乏人。今夏以來。疊次瀆請。內有確已備有小

輪者均未批准卽劉峴帥有咨商滬局赴湘運鐵行用小輪之文亦以窒碍難行復之職是之故或謂湘民卽不設輪豈能保洋人終不來通商傳教然如今中華時勢創鉅氣弱內備未修外患日亟能緩一年則可保一年之安能遲至數年之後內政漸肅備禦漸周士民拘執之見漸化偶有齟齬發之或不甚猛卽有狡桀其制之之難易較目前或畧勝一籌執事與洞同任巖疆殆不能不權度及之矣或更有進權專利之說者謂商例有創辦者專利十五年之條故爲此先發制人之策以免外人來奪利權不知專利之說爲出新意掣新貨而言非爲敵國通商而言果准各國通商則事關交涉又豈能以先有小輪之說阻止洋輪蓋公司商例只能行於本國之商豈能行於強國之商卽如蘇滬木輪何嘗不稟准專利一旦通商而木輪利歸烏有成事可鑒卽如他國之輪准入長江內河通商行駛豈地球萬國商例之所有哉此事能從容

詳酌最爲妥善。倘湘人士持意甚堅，尊意謂此中利益甚大，不欲中止，則尙有一變通辦法。目下所備小輪，令與官輪區別，專爲渡湖便民起見。北不過岳州，南不過湘陰。如此則既順輿情，而彼族亦不至援請開埠。設或彼族仍有通商之請，則議章允准，必需數月之久。彼時一有萌芽，卽將中國小輪北駛出大江，南駛至長沙。圖占先著，尙不至過落人後。相時而動，不爲禍先。則操縱在手，較爲穩著。且彼時不但准湘輪出口，卽敝處亦必令鄂商多備小輪，一體互駛湘鄂。且上及荊州、宜昌，並爲厚其力以敵外人之計矣。洞平日素持輪船鐵路最爲利國利民之說，是以於蘇鎮淮揚江甯江西皆創議上陳。以開風氣，豈獨不願湘中商民之富，豈獨不願湘鄂往來行旅之利涉。至輪船拖帶有妨民船生意之說，最爲謬論。平日每極力闢之。故聞比年以來，湘中士大夫講求洋務，考究機器，專立書院，研究西法，風爲神往，眉飛頂祝，勸贊以速其成。

鄙人意指固亦可見。特以事有牽致，湘中應防之患，有在他省之外者。防患害爲急，則興利尙在所緩耳。總之此事以緩辦爲第一義，不可則以專渡洞庭爲第二義，惟高明裁之。湘輪如行入鄂境，直達漢口，其間於民情商情釐稅，是否無碍，似亦須商明鄂省中丞，會同酌定，再行奏咨，較爲周布。執事關懷時局，惠愛湘民，洞雖不才，忝附同舟，亦同此願。盡懷籌慮，至精至遠，不知以鄙見爲有干一之得否。事關大局，利害不厭詳求，特此奉商，並請以此書轉述湘中諸君子，務望剴切見教，以啟迂愚，不勝翹禱。並請將湘中公稟台端批牘，迅賜抄示，如已奏咨，並望錄稿見示爲幸。專此飛函奉布，祇請再安，不盡。



丁酉利濟學堂報洋務掇聞卷二目錄

日本辦理臺灣鴉片章程

戶口殷蕃

派員駐俄

設法治臺

島地分踞

中國東方鐵路籌辦集股

廈門創設輪船公司

英添租界

日造兵艦

鐵路利溥

惟鐵爲寶

洋稅總結

購艦述聞

中俄鐵路行程

東國經緯考

招兵善法

德人開埠

抽捐新例

西藏鐵路

英軍受挫

日本鐵路

失事船數

擬借商款

調停蕪術

募兵新例

設謀爭利

鐵路便捷

英俄訂約

火礮利用

臺灣新例

俄皇近事

總統赴俄

紅頭嶼礦利

治臺新章

列國經費

德員推升

試演巨礮

列款請和

鑿山爲隧

添派緝捕

波斯政治

貸款電音

面諭議員

美州大局

波斯中興

美國財政

試舩新船

嚴查客民

俄國軍情

吉賠俄款

斐島亂由

德比議設德律風

添增陸軍

請闢新路

總統戒嚴

越南弊政

整頓水師

稅則新章

俄國度支

阿部礮臺

箝制客民

陸軍新章

水師軍費

英人墾荒

法國陸兵步法

法國馬兵步數

瑞士新章

教友當兵



日本商船

日參稅則新章

統球商船

招商局情形節畧

福州製茶新法

金銀時價

開採銀礦

俄國商旂

會計商戶

梧州商務

中俄茶葉

航海者言

臺灣米價

各國銅數

蘇彝士河船數

美日殷富

油廠新開

北地通輪

滬錢轉機

杭關功竣

報紙暢銷

比國商務

譯西報論商務

公司獲利

各國銀價

洋貨滯銷

畧誌茶信

徽茶誌畧

日本糖價

棉花生理

法國酒政

米商舞弊

印度金礦

東幣規則

擬設錫箔機器

法國絲稅

照錄赫稅司所擬杭蘇洋關試辦章程

湘省電價

京南鐵路得利

蘇州日本租界章程

經費支絀

鐵路行程

增設碼頭

銀行議駁

譯務章程

鄂布價值

